

精校池北偶談

冊七

精校池北偶談

卷一

池北偶談卷二十一目錄

談異七之二 凡六十五則

每牛雖馬齒人埽人

唐童子

黃鬚

普救寺

三僧

趙廣戴祿

墨魚

駙馬

烏異

青原道場

異鴉

蜀府鬼

張儲

十具牛

千里人

詭語

引經

兩周盤龍劉桃枝

銀杏樹觀音像

體香

柳耆卿墓

神女廟神鴉

一字字

古石刻

鐵漢和尚

厚葬薄葬

二玉璽

冰山

昭烈券

馬岱後

孝逆

壽冢

畢尚書

排調

士大夫

程蘇詭語

孫忌語

何老菴

漢人唐人秦人

淨池魚

常熟三鼎甲

秦宣太后晏子語

李頻

追尊始祖

藁粟

郝推官

秦時人

謝在杭

尼涵光

末齊丘語

香山墨

雙塔

虹橋板

真龍石龍

五行

杜氏

姚康伯

寶藥

沈石兄

一生七子

林四娘

離非女子

南江野人

陳伯史

漢碑異姓

池北偶談卷二十一

談異

濟南王士禎阮亭著

高郵姪廷掄簡菴載

每牛雖馬齒人蹄人

予在禮部見荷蘭所進西洋小牛異之考王會圖所載有數楚之每牛注每牛牛之小者王會圖又有俞人之雖馬注雖馬一角大者曰鱗按爾雅驅如馬一角不角者騏大荒南經曰蓋猶之山有小人名曰苗人東經有小人國名靖人或曰埽人

銀杏樹觀音像

辛丑壬寅間京口檄造戰艦江都劉氏園中有銀杏一株百餘年物也亦破伐及工人施刀鋸則木之文理有觀音大士像二妙鬢天然眾共駭異乃施之城南福緣庵中時蘇州瑞光寺有觀音像亦大木中文理自然結成之

唐童子

松江唐童子黥五歲而瞽年十二詩多可誦其先有汝詢字仲言者亦瞽而能詩嘗註唐詩傳於世周宿來藏贈童子詩云家風師曠遠家學卜商傳又永平孟元輔篤忠毅公子少而失明好讀書聽輒成誦嘗選唐人詩五十家亦奇人也

體香

先考功西樵於癸丑七月廿二日以哭先淑人不起屬纊時口鼻中作旃檀蓮華蘭惠種種異香凡三日夜益都高木王梓予從姊之夫孝友忠信人也以康熙甲寅春捐館病革時體中有異香此皆予間見最確者

黃鬚

宋范公稱過庭錄載黃鬚傳即今所傳虬髯事也然其間云於汴州見太宗殊紕謬黃鬚兒曹操呼其子彰而

此傳李衛公所遇亦稱黃鬚

柳耆卿墓

儀真縣西地名仙人掌有柳耆卿墓按避暑錄柳死旅殯潤州僧寺王平甫為守出錢葬之真潤地相接或即平甫所卜兆也予真州詩云殘月曉風仙掌路何人為弔柳屯田

普救寺

西廂傳奇河中有普救寺畫墁錄郭威宿師河中逾年登蒲阪以望城中憤蒲民固守曰城開日當盡誅之幕府曰若然守愈固矣弟告之曰誅守城者餘皆免城既開乃即其地為普救寺蒲志云舊名永清院院僧與郭威約城克之曰不戮一人因改名普救寺二書大同小異然寺名實始五代傳奇假以成文耳

神女廟神鴉

巫峽神女廟有神鴉迎送客舟陸放翁入蜀恨不一見予壬子冬下三峡至十二峯果有鴉十餘往來旋繞以肉食投之即攫去十不失一其鴉比常鴉差小栖絕壁石洞中得食即入洞去天祿閣外史曰嘉陵之墟其鳥曰鶯臨溪啄影則孕吐於口而生方密之智以通雅云嘉陵漾江之口下至巴東皆有神鳥所謂嘉陵之鶯指此或謂山鳥穴乳即爾雅之鶯

三僧

坡詩有琴聰蜜殊謂僧思聰仲殊也放翁筆記云思聰大觀政和中以琴遊權貴間遂遠俗官御前使臣仲殊自縊以死參寥尤為坡公所喜政和中老矣亦還俗又墨莊漫錄載呂溫卿為浙漕屢起大獄復欲網羅參寥參寥本名曇潛東坡改之曰道潛呂索牒勘驗竟坐刑之還俗編管兗州

一字字

筆記云錢鏐字穆范祖禹字淳本皆一字予按古如爰繇房喬顏籀劉乂之類皆一字字也今文士有寶應陶澂字季萊陽董樵字樵二人皆以布衣游於都門初不相識予為介之曰二君非但詩筆相當即一字字亦絕

對也二君遂賦詩定交按龍川別志有隋時道士屈突無為字無不為晁景迂一字伯以父見陸務觀文集劉敞劉攽兄弟字伯貢父仲原父見歐公所作原父墓志前梁張天錫字公純歿見十六國春秋此又三字字也陶一字昭萬有太原傳山字青圭一字公之佗

趙廣戴祿

趙廣合肥人李伯時小史伯時作畫常令侍左右久遂善畫尤工畫馬幾亂真遭亂為賊脅之作畫不肯從斫其右手乃以左手畫大士宋南渡士夫家所藏伯時大士多是廣筆戴祿者臨月刑子愿先生家僅亦精六書之學與子愿書往往亂真邢與寒家有姻婭之好子幼時多見屏幃間署子愿姓名率戴書也

古石刻

大梁城西水磨間土人掘地得一石有日月逝酒漿五字乃古篆也周櫟園待卽摹勒以傳謂非仙者不能道施愚山有詩記之

墨魚

蜀嘉州凌雲烏尤山下有魚曰墨魚行則噴墨云郭璞注爾雅於此魚食硯墨所化立春後泛子漁人以燈火照之輒止不去南越志謂烏鰂懷墨而知禮蜀本草圖經云烏鰂名海鰂鮓九月烏鰂入水所化不知即此一種否予在蜀見之

鐵漢和尚

鐵漢和尚居金陵牛首東峰下獨坐數十年嘗蓄二猿子自隨有所須猿輒解意與龍眠方學士坦菴拱善特構一軒方來即居之號曰坦軒和尚化去二猿悲鳴不食死葬於塔側學士題其遺像云兩個獼猴杖一根獻花石上獨稱尊怪公事事能超脫留此贓私誤子孫

駙馬

懶真子云御馬之副謂之駙馬杜預尚主武帝拜鎮南大將軍給追鋒車第二駙馬吾卿有為尚書子婿者與

婦兄同赴京師一日向友人訴廩吏云婦兄馬肥吾馬獨瘦友人笑答曰彼正馬也君駙馬耳那得一例合坐大笑此雖戲語深合故實

厚葬薄葬

秦始皇穿治驪山上具天文下具地理漢文帝遺詔霸陵山川因其故毋有所改二君之賢愚人皆知之乃亦有相反者宋壽州張侍郎撫州晏丞相俱葬陽翟相去數里有盜發張墓得金寶珠玉甚多遂完其棺槨滄覆其穴繼發晏公墓無所有器皆陶甃破其棺惟木胎金裹帶一盜失望大恚以刀斧碎其骨而出世謂張以厚葬完軀晏以薄葬碎骨事之不可知如此

鳥異

益都縣顏神鎮康熙辛亥冬鳥鴈駕鵞之屬以千萬計飛過城中皆墮地死遠近四山皆滿甲寅春復然已而相國沚亭孫公鋌薨於私第公世為鎮人

二王璽

順治十七年富陽典史孫某解餉北上舟過高郵見湖中夜有光令榜人跡之得玉璽水中方四寸六分盤龍雙紐辨其篆文漢高帝大風歌也十二月疏獻於朝鄧州人丁象輝賦大風玉璽歌又康熙四年十月初八日漂水民耕田得玉璽其文乃人心惟危十六字亦上朝

青原道場

龍眠無可和尚本方姓故明崇禎庚辰進士早以文詞知名亂後為浮屠曾住金陵高座寺劉公猷見之衣壞色破衲衣行纏束腰居然苦行頭陀也最後住吉安青原山青原古道場也明王陽明鄒東郭南臯諸先生亦講學於此住山後有倒荆久枯忽發三桤會施愚山輒分守湖西講學白鷺洲與之往來青原宗風一時復盛

冰山

康熙戊申予邑北錦秋湖中冰立如山高可數丈許巖洞林巒皆具千峰萬壑宛轉關通遠近走觀之入其中

者如在深山表裡洞徹類晶玉旬日始消

異鴉

邑東北耿氏墓林中有鴉一隻碧色飲啄自異不與群鴉為伍亦不見其蕃育人往往見之按唐書滕縣有群鳥嘯柴為城中有白鳥碧鳥各一又城東旬名店有白燕二居民家井田皆康熙十二三年間事

昭烈券

獻賊破荊州時民家有漢昭烈帝借富民金充軍餉券武侯押字紙墨如新見綬冠紀畧

蜀府鬼

獻賊據成都以蜀王府為宮所居人鬼相觸一日聞後殿有歌吹聲自往視之見有數十人手持樂器而皆不見其首大驚仆地乃移居北城樓不敢入宮

馬岱後

黎州土司馬金者蜀漢將軍馬岱之後張獻忠在蜀以金印招之金得印擲之地誓眾拒之金時年十六未幾

卒

張儲

張儲字曼脣南昌人大學士位之弟多才藝醫卜星相堪輿風角之術無不通曉萬厯間遊遼東歸語人云吾觀王氣在遼左又觀人家葬地三十年後皆當大貴行伍間巷中兒童走卒往往多王侯將相天下其多事乎人以為狂既而其言果驗儲年七十餘卒其外孫夏吏部抑公錄云

孝芝

洛陽呂忠節公撰孝經大全三十年至崇禎十三年庚辰告成夢神人錫以丹篆又袖出一物如黑鉛條生二白角化為黃羝羊約七八寸優游草際謂公曰此孝芝也明日果有芝生庭中凡十八莖劇者誤去一莖明日復生說者應十八章之數云公自作孝芝記

十具牛

王景略臨終托其子皮十具牛為沿田之資不為求官亦葛侯八百本桑之意今江淮以北謂牛四頭為一具俗語亦有所本

壽家

梁國兒仕姚秦封平興侯嘗於平涼自作壽家將妻妾入家飲燕酒酣升靈牀而歌八十餘乃卒可謂達者近淄川高侍即念東珩亦自作生殯時與友人唐翰林濟武夢飲酒賦詩其中德州程工部正夫競自作一棺題曰休息菴自作銘刻其上酒酣便即偃卧有詩云版屋蕭然密四周愚人息矣聖人休百年恍惚真疑夢萬事紛紜已到頭廣柳何時催去駕猗蘭此夕詠閑愁相煩雅客來欣賞莫待還憐土一邱

十里人

南燕慕容超時高句驪獻千里人十人

畢尚書

淄川畢伯陽自先生明崇禎初為戶部尚書精心會計為時名臣時練餉新餉諸項日增臺諫多歸咎司農一言官以亢早上書有烹弘羊天乃雨之語先生笑謂人曰此非烹弘羊直是要烹白陽耳

謔語

王完虛宗丞點明萬厯甲辰進士好詼諧初仕為鄒平知縣縣與章丘接壤一日與章今某相見令問足下以何年生對曰乙亥因問章今答云亦乙亥王笑云某是鄒平一害兄便是章丘一害

排調

同年薛給事生奮以才氣自許常在淮陰酒間謂予云子文士耳異日終依我幕下予答曰恨吾子非嚴鄭公耳汪荅文亦有詩調之云十載雕蟲稍稍名未曾縛袴學長征他年若得登三事但取蕭郎作騎兵

引經

德清陳端菴擬順治己丑進士筮仕為新城令性仁厚每枚人輒對之泣有王生者宅為人所奪久不給直訟於官陳不能決第好語曰毛詩云維鵲有巢維鳩居之王秀才獨不能作鵲耶聞者笑之

士大夫

南史紀僧真得辛齊世祖請於上曰臣出自武吏階榮至此即時無復所須唯就陛下乞作士大夫上曰此由江數謝淪我不得措意可自詣之僧真承旨詣數登榻坐數顧左右曰移吾牀遠客僧真喪氣而退告上曰士大夫固非天子所命六代時士大夫之重如此

兩周盤龍劉桃枝

蕭齊時兩周盤龍一奉叔之父於淮陽大破魏軍一徐州民與建康僧法智作亂為王元邈所誅南北朝兩劉桃枝一北齊人洋湛間多拉殺諸王大臣在涼風堂殺斛律明月者一陳威鹵將軍克齊胸山城欠不給直訟

程蘇龍語

元祐初司馬公薨百官方有慶禮事畢往弔伊川引子於是日哭則不歌東坡云然檀弓衛太史柳莊寢疾公曰疾革當祭必告公再拜稽手請於尸曰有臣柳莊也者非寡人之臣社稷之臣也聞其死請往不釋服而往遂以襚之又梁左軍將軍馮道根卒是日上春祀二廟問中書舍人朱异曰吉凶同日今可行乎异引衛獻公以對上即幸其宅伊川何未哀於此欒城遺言載此條則是潁濱事非東坡

孫忌語

南唐孫忌語馮延巳曰僕山東書生鴻筆麗藻十生不及君詠諧歌酒百生不及君諂佞險詐累劫不及君

雙塔

京師雙塔乃安祿山史思明所造而劉侗景物略不載元迺賢易之詩云安史開元日千金構塔基世尊寧妄福天道日無私寶鐸遊絲冒銅輪碧蘚滋停驂指遺蹟含憤立多時

何老菴

吾邑東六七里有何老菴何元時人修道於此獨居數十年每夜有蛇虎伴之菴後有積水曰參龍池相傳何老攫龍處

虹橋板

榕城書肆有虹橋板一片色黝而澤文理堅栗發轂清越材中琴瑟云產武夷山中不辨何木也興化林穆之瑣賦虹橋板行記其事

漢人唐人秦人

昔予在禮部見四譯進貢之使或謂中國為漢人或曰唐人謂唐人者如荷蘭暹羅諸國蓋自唐始通中國故相沿云爾馬永卿引西越傳言秦人我巧若馬注謂中國人為秦人各以通中國時為稱古今不易也

真龍石龍

宋中丞牧仲學說順治二年在京師見大內所藏真龍全身盤屈貼筵中一角五爪鱗甲如鐵長丈餘陳陳厓說巖說康熙十四年陽城張侍郎東山齋家鑿石中有石龍一鱗甲頭角宛然刻畫亦長丈餘

淨池魚

宋弟九青侍講嘉扶風人家渭水上太白山二十里云太白一峯直上三十里盛夏雪霰不絕人無能登其巔者惟六月可上上有太白神殿以鐵瓦覆之有五池有鳥紅色大如雀池有滓穢則啣去之名淨池鳥山奇寒無林木鳥獸此鳥亦不栖止何所也按客座新聞云每墮葉則鴛鴦鳥啣出之紅魚有長丈餘者

五行

陸象山云五行書以人始生年月日時所值晨推貴賤貧富夭壽禍福其詳乃獨略於智愚賢不肖曰純粹清明則歸之富貴福壽曰駁雜濁晦則歸之賤貧夭禍易有否泰君子小人之道迭相消長各有盛衰純駁清濁明晦之辨不在盛衰而在君子小人今願略於智愚賢不肖而必歸之富貴貧賤壽夭禍福何耶沙隨程氏云易以道義配禍福陰陽家獨言禍福而不配以道義如此而詭遇獲禽則曰吉得正而斃則曰凶故文中子曰

京房郭璞古之亂常人也二說可互證

常熟三鼎甲

常熟南門地名山塘港琴川水經處三鼎甲居第相望中孫扶桑前趙東田後瞿文懿諱三公傳臚年皆三十九尤奇扶桑弟舉人賜為予說如此

杜氏

康熙丁酉山東東昌府館陶縣民婦杜氏年一百十三歲載縣志

秦宣太后晏子語

國策楚圍雍氏韓令尚靳求救於秦宣太后謂尚子曰妾事先王日先王以髀加妾之身妾固不支也盡置身於妾之上而妾弗重也何也以其少有利焉此等淫褻語出於婦人之口入於史者之耳載於國史之筆皆大奇又晏子春秋景公蓋姁園人視景公僭者問之曰竊姁公也公將殺之晏子入見公曰色寡人故將殺之晏子曰嬰聞拒欲不道惡愛不祥雖使色君於法不宜殺也公曰然若沐浴寡人將使抱背此段問答亦奇

姚康伯

崇禎時內殿石驛長數寸上以問大學士何文端公如龍何謝不知歸問其老友姚康伯康伯曰此璞也中必有玉翌日以對上命剖之果得玉上訝其博物何謝曰臣友姚康伯教臣也因召見欲授以官不受姚字休那與文端俱桐城人張學士敦復英說

李頻

唐詩人李頻字德新睦州人名列唐書文藝傳才調集所載中流欲暮見香烟一篇其作也懿宗時為建州刺史卒見神黎獄郡入詞祀之宋紹興中封靈顯忠惠公後加靈佑善應王再加廣濟王又加福佑威濟信順王明洪武初故建州刺史之神載在祀典宋真文忠公序其詩今所傳黎獄集是也詩人歿而為神未有如頻之昭昭者

寶藥

江浦周西水兵部名于漆幼不能言然頗能記前世為某邑人所常栖止處廣庭中設一几庭前有紅蓍薇一叢時時夢到其地七歲時戲門前有僧過門顧之曰此即有夙因周應聲即能言家人驚喜因令讀書一過目如宿習數月徧通經書左國史漢年十四讀書山中精舍一日日夕憩溪邊石上遇老僧謂曰即忘七歲門前相見時耶叩其名曰我寶藥也閩人周因留之舍中日夜與論象緯律歷六壬丁甲勾股洞章之術未半載盡通其說瀕行復以黃河海道九邊三圖授之且曰吾數學未傳人今當游四方訪之又秘語周以十年之內天下必大亂君異代人物也自丙子迄甲申果九年而明亡皆如其言周入 本朝以明經謁選人常念寶藥別時贈詩有元夕燈前尋賈子秋風臺下拜鄒生之句未詳所謂及謁選得房山令上元與僚屬燕於賈公祠問之唐詩人賈閭仙祠也問有子孫乎吏對有賈某者其裔也見以通稅繫獄周即令出之代完其通是年秋調平谷令抵縣日即出勘田畝夜宿山村古廟比晨視其額則鄒衍祠也於是悟寶藥之語一無爽焉周述其學著三才儒要三十卷

追尊始祖

唐以老子為玄元皇帝蜀王衍追尊王子晉為聖祖至道玉宸皇帝

沈石兄

萊陽沈石兄名迅明崇禎辛未進士官給事中鼎革後家居一日其傭奴鈕田見禾葉上皆有篆書如虫蝕者其文曰沈迅死是年沈禍作舉家自焚

東栗

白虎通義曰婦人之贊以東栗服修裹取其朝早起栗戰慄自正也今齊魯之俗娶婦必用東栗諺云早利子也義本白虎通而稍訛南宋時太學生齋祭用栗子荔枝蓼花曰早離了也殊可捧腹矣

一生七子

明天啓中大名民家一生七子俱成立每疾病則七人同之王比部今少寓天雄猶及見其第三子云康熙戊申安徽巡撫張中丞瑚疏報歛縣民吳士全妻呂氏一產四子同年李望石元贊說順治中按楚有漢川縣民王某妻一產六子按北魏延興三年秀容郡婦人一產四男四產十六男與此相似

郝推官

郝某失其名嘗為湖廣某郡推官一日送直指宿驛中夜坐篝燈倦而假寐恍惚見有白衣女子鍼刺其額驚覺遂就寢既卧又若有刺其股者創甚急呼童子然燭視之果有鍼在左股疑其刺客乃秉燭巡視室中空無所有至屋隅暗處有緯蕭帳之隙而窺焉見一物如大鳥人立遍體似水晶臟腑皆見人即前攫急以手中挺逼之遂倚壁上不能起大呼從人破窗而入挺刃交下乃死竟不知其何怪也劉吏部公鼐說

林四娘

閩陳寶鑰字綠崖觀容青州一日燕坐齋中忽有小鬟年可十四五姿首甚美褰簾入曰林四娘見陳驚愕莫知所以逡巡問四娘已至前萬福纓髻朱衣繡半臂鳳臂雙劍陳疑其仙僕不得已揖就坐四娘曰妾故衡王宮嬪也生長金陵衡王昔以千金聘妾入後宮寵絕倫輩不幸早死殞於宮中不數年國破遂北去妾魂魄猶戀故墟今宮殿荒蕪聊欲假君亭館延客固無益於君亦無所損於君願無疑焉陳唯唯自是日必一至每張筵初不見有賓客但聞笑語酬酢久之設具燕陳及陳鄉人公車者十數輩咸在坐嘉肴旨酒不異人世然亦不知何從至也酒酣四娘敘述宮中舊事悲不自勝引節而歌聲甚哀怨畢坐沾衣罷酒如是年餘一日黯然而離別之色告陳曰妾塵緣已盡當往終南以君情誼厚一來取別耳自後遂絕有詩一卷長山李五絃司冠此有寫本云又程周量會元記其一詩云靜鎖深宮憶往年樓臺蕭鼓遍烽烟紅顏力弱難為厲黑海心悲只學禪細讀蓮花千百偈閑看貝葉兩三篇梨園高唱

君試聽之亦惘然

秦時人

遼東醫無閭山中有人劇參見毛人長文許驚而却走毛人招之曰吾非妖怪乃秦時築長城卒昔同事數萬

人今僅七人在耳因問其飲食居處狀曰始饑食松柏實渴飲溪水久之不復饑渴矣言已去如飛鳥友人某親聞之操江宜中丞貴永云又巴山有白髯叟采薪者嘗見之自云唐時人岳儀部石齋貞說

離非女子

故友南粵陸漢東卿孝廉有小硯是南漢劉鋹宮中物有鋹宮人離非女子篆銘卿死子幼此硯不知流落何所石揀令姚六康莊子為予言之姚亦粵人

謝在杭

謝在杭澤閩之長樂人少讀書邑蕭氏園園素多怪異人無敢居者謝不之信一夕坐燈下忽一女子前拜且泣謝叱之女子曰妾負冤久求公申之非魅也妾湖州德清人幼隨父客此同行某甲者中表戚也利父囊索遂殺父恐妾鳴於官司並置諸死今數載矣公異日必官於湖望逮甲窮治抵罪使妾家知妾父子死所父子目瞑矣謝許之戒勿復出為祟自是竟無它是年謝中鄉試果筮仕湖州推官抵任後即檄縣捕甲至一訊立伏遂抵罪郡人以為神姚禮部琅曾令長樂為予言如此

南江野人

蜀張獻忠之亂遺民奔竄山谷久之遂為野人南江有二野人能手格猛虎恆擘獐鹿啖之懸崖絕壁騰上如鳥隼雖其家人親戚招之疾走不顧也岳儀部石齋南江人為予說

尼涵光

尼涵光江西宜黃人姓鄒氏歸譚大司馬綸之孫其夫稚魯不知書涵光棄去走京師上書請南還不報會鼎革遂為尼每談故明門戶事源流甚晰居寶應朱秋厓純曾見之

陳百史

秀水張侍郎楸流塞外時一夕召凡仙仙至大書云我陳百史也今為尚陽堡土地因謂諸公可召吾兒來時其子掖臣徙居尚陽家城外張謂城門下鑰請俟明日又書云渠今夕飲城內某家往偵之果然比至凡書數

百言皆言家事及訓誡之語後遼陽海寧相郎中亦桂桂見形與談如生平

宋齊丘語

宋齊丘表請與故吳太子璉絕婚曰非獨婦人有七出夫有罪亦可出此與左傳人盡夫也之語可為絕對

漢碑異姓

金薤琳琅所載漢碑碑陰故吏門生姓名有絕異者如韓敕碑有應公充田番君加進元輝魯人恐即弓如骨
颺孔宙碑有叔香如廬海人北薤章魯峻碑敢敦東鄉早成人河間景君碑羽質臨照水丘陵人營中李達字昀
詩立達又漢碑陰有弟子謂親丞相門生次相門童冠故吏故民籍處士非吏義士義民非所又有故脩
行趙明誠謂後漢百官志注河南尹官屬有循行百三十人晉書之誤故午韓是也
百官志亦有之修乃循之訛都穆謂當信碑本以正漢書之誤故午韓是也

香山峽

巖門在香山縣大海中忽起一石埂廣十餘丈長六里許首尾相屬不斷如蓮之有莖中途甕城名關開踰之
抵巖門則如蓮的番人依山築城廣袤四五里三面皆臨巨浸惟北通地脉一莖耳海中諸峯包裹前十里為
十字門如兩眉橫列而缺其正中又南十里為小橫琴塞隘口又南稍折西為大橫琴重案也番人之停舶必
於灣灣之所在即名澳香山故有澳名浪白諸番互市其中而今之巖門則舊名濠鏡地有南北二灣明萬厯
中有大西洋人至此樂之遂請濠鏡為澳而就二灣停舶久之益自彼國遣眾聚居歲輸稅五百金本朝除
之番人安其業者已數世所居率依山為樓三層方者圓者三角者六角八角者俱為螺旋形以入其教曰天
主其寺曰三吧高十餘丈於屋側啓門戶石作雕鏤金碧照耀寺僧曰法王以時集男女禮拜其所奉曰天母
名瑪利亞抱一嬰兒曰天主為耶穌被服珍怪障以琉璃望之毛髮生動云漢哀帝時人也寺有風琴其琴銅
絃彈之以和經唄并管簫諸樂器藏機木柜聯以絲繩輪牙相錯一人轉機則諸音並奏有定時臺巨鐘覆其
下立飛仙臺隅為擊撞形亦以機轉之按時發響起子末一聲至午初十二聲復起午末一聲至子初十二聲
晝夜循環無少爽前揭圓槃書十二辰俟某時鐘動則蟾蜍移籌指某位有千里鏡番人持之登高以望船舶